



UNIVERSITÄTS-
BIBLIOTHEK
PADERBORN

Provincia Francia.

[urn:nbn:de:hbz:466:1-67132](#)

P R O V I N C I A
F R A N C I A.



VERVNT in hac Prouincia du-
cēti amplius ac triginta de nostris.
In Professorum Domo Parisiensi
vnde uiginti. In Collegio Parisiensi
quinque & sexaginta. In Virdunen-
si, si cum Nouitijs Mussipontani
recenseantur (est autem Mussipontanum Collegium
sextum iam mensem pestilentia disiectum ac dissipatum)
quinque & nonaginta. In Bituricensi tres &
viginti. Niuerii sexdecim. Tredecim Augi. Diem
obiere duodecim. Adscripti sunt tres & viginti.

D OM V S P R O F E S S A P A R -
sienfis.

PARISIIS è spiritualibus exercitijs, qui-
bus graues interdum viri informari se ad pie-
tatem voluerunt, eadem, quæ solet utilitas extitit.
Applicuerunt se ad Societatem quinque: & ad Ca-
tholicos quoque non pauci. in his soror & frater

cx

ex nobilissima familia, quorum ad Ecclesiam conversionem ingens Principum, aulæq. lætitia consecuta est. Fecit ea res, ut Pater, qui cum ijs egerat, ad priuatâ prouocatus disputationem, Anglo cū ministro congrederetur. aderant præsentes viri principes, & eorum nobilium parens, qui adhuc in sua cæcitate perstabant: cumq. diu multumq. in vtrâque partem agitata veritas esset; tandem egregius minister sue sectæ non optimus propugnator, omnium iudicio vicitus exclususq. discessit. Rediit & ad fidem cum uxore & liberis aurifex, cuius cum ætate hæresis consenserat. E catholicis non minus vberes quaestus fuit. Cernitur in multis eximium studium sacramentorum: repertiq. sunt qui longi itineris molestias, expiandi sui gratia, non subterfugerent. Ab ijs autem qui aliena detinebât, impetratum est, ne residere apud se punctum temporis paterentur & male partum. Sed cum à multis multa, tum à quodam aureorum millia duodeviginti restituta sunt. Profuit & ijs nostrorum vox, qui capite plebebantur: eam enim de nostris Iudices opinionem conceperunt, ut quoties se quispiâ desperata salutis obtulerit, nostros cōtinuo euocet. Erat reo cuiusdam iniicitie adeo insitæ, ut citius animam, quam odia sibi pateretur euelli. tentata pax est uebementer, nec prius ceßatum, quam suorum conatus bonitas divina respexit, posuit reus iram, carnificis inter manus, curatoq. rite animo, & cōdonatis iniurijs, semel emori maluit, quā, nisi cōdonasset, secunda quoque morte multari. Sed ut urbana linquamus, et proferamus exte-

externa, quæ nec rerum genere sunt inferiora, nec copia; tres in varia loca institutæ sunt profectio[n]es. prima Diepam, altera Issodunum, tertia Sanserrā. Est Sanserra oppidum ab hæreticis cultum, quò post regium de ijs ejciendis editum missus pater è nostris, omnes ferme reperit obstinatos. Sanè in Catholicos fuere teterrimi: & in medio oppidi castro plena cauea, plenusq. puteus Catholicorum corporibus visitur, quos pro religione necarunt. ab ijsdemq. sanctorum sunt exustæ reliquiae, templo euerfa, religiones violatae, non omnino tamen impune. Nam cum de ejciendis, vt dixi, hæreticis rex tulisset edictum, oppidumq. obfirmatum in hæresi, obſidione cinxisset, inuenti sunt, qui ultima compulsi fame suos liberos deuorarint. Profecit tamen aliquid nostri Sacerdotis industria: cuius ad conciones tantus è locis quoque finitimiis populus concurrebat, vt interdum duodecim hominum millia censa sint. Reconciliavit catholicæ Ecclesiæ trecentos, qui omnes scriba testibusq. præsentibus, fidei professionem publice ediderunt. Minister conuictus erroris, fidem rite professus, pœnas etiā irrogatas à legibus subiit. Mulier cum in hæresi moreretur, nec filio vellet baptisma conferri, pater de re certior factus, altero ap[probante] parente, puerū baptizauit, eūq. mox mortuum ritu catholico sepeliendum curauit. Issoduno autem Bituricensium ciuitati, quam labes eadem fædat, Sacerdos alter suis & concionibus & catechesi non mediocriter profuit, nec exigua[m] ex hæreticis prædam tulit. Diepa Cæsar[is] castrum hac quoque

que hæresū scabie diutissime laborauit. ea est altera Geneua, & hæreticos alit tantæ obstinationis & pertinacie, vt decem annis ante cū regio obstdetur exercitu, non prius de deditione cogitarint, quā eorum aliqui, annona breui consumpta, famis rabie equinis humanisq. carnisbus, imo etiā corijs ocreisq. sedarint. Huic igitur castro saluti Sacerdos noster fuit. confuebat vndique ad eum audiendum ingens hominum numerus, vt interdum quinque millia conuenisse dicantur. Ad cōciones autem priuatae adiungebantur institutiones ac concertationes, vix vt patri vel ad cibum, vel ad explendum suarum precum munus aliquid otij superesset. Itaque, quod necesse fuit, vigiliarum laboribus copiosa respondit utilitas. nam quamquam ciues initio patrem non magni ducere videbantur, postea tamen, siue Rex vrgereret editto, siue intimis admonitionibus Deus, eius opera centum circiter ac uiginti patresfamilias, et quidem cum suis plerique liberis & coniugibus hæsim eiurarunt. pueros etiam, qui partim ministrorū fuga (plerique enim de regia ditione, quam de sententia decidere maluerunt) partim domesticorum incuria nondum baptisma suscepereant, baptizauit.

PARISIENSE COLLEGIVM.

IN Parisensi Collegio è duobus fratribus è vita profectis, alter singulare suæ patientiæ, incensu&q. charitatis in Deum specimen præbuit. quem cum diuturnus & ingens calculus cruciaret, noua etiam

etiam ei tolerantiae seges accessit, carnis acerba se-
ctio, ad extrahendum educendumq. reconditum in-
terius calculum. quæ curatio vt erat anceps ple-
naq. discriminis, ita ei celerem interitū attulit. Sed
mors, quæ fuit doloris finis, eadem fuit & requietis
initium; quò vt properaret, cunctantem suum ipse
animum hortabatur, egredi gestiens, & e custodia
dimitti. Nec longo interposito spatio, patri cuidam
secundum quietem visus esse dicitur, cui & suam, et
alterius cuiusdā patris, qui Burdegalæ per id ferme
tempus obierat, felicitatem non obscuris significa-
tionibus indicauit. cui quidem viso facile fidem ad-
iungat, qui & mores hominis norit, & quid eius for-
titudini ac patientiæ deberetur, intelligat. Iam quā-
quam fratrum numerum mors imminuit, auxit ta-
men tredecim cooptatio tyronū, fructus nostri Gym-
nasii: vbi non minus religionis cultus, quā doctrina-
rum studia vigent. Ac præter eos qui ad nos tran-
sierunt, aliij duodecim ad Carthusianos, aliij q. ad
alios ordines discesserunt. Est ex his auditoribus so-
dalitas quedam anno instituta præterito, quæ à B.
Hieronymo nomen habet: vbi ad virtutem præcla-
re se iuuentus exercet. Quo autem tempore Christi
mors anniversaria pietate recolitur, sodales longo
agmine ad supplicationem nudis pedibus prodierūt:
suoq. exemplo, mirum est, quām ceteros ad simi-
lem pietatem, vitæq. asperitatem exacuant. Ex
hæreticis quoque non exigua nata sunt lucra. sex-
decim repudiarunt errores, & ad Ecclesiæ Ca-
tholicæ nutum auctoritatemq. finxerunt. In his
quidam

quidam cum Sacrosanctæ Eucharistiæ vi diabolum ex humano electum esse corpore perspexisset, illico deserta hæresi, negauit se umquam amplius fidem hæreticis habiturum. Sed nostrorum congressum quam hæretici reformident, cum multorum acta sermonesq; testantur, tum nuper luculentissimo testimonio vetulus ille Beza hæretorum signifer confirmavit. Is, ut cuiusdam Pseudoapostoli filius, qui tum aderat, enarravit, cum in Gebenensi Academia orationem haberet, gratiasq; ageret Deo, quod sibi suisq; in tatis opinionū tenebris veritas illuxisset; il lud tamen aiebat esse dolendum, quod is propter ipsorum peccata magnum in eorum Ecclesia flagellū Iesuitas permitteret. quare muniendum esse litteris pectus, & eorū contra captiones, quoniam subtilitate valent, arma sumenda.

BITURICENSE COLLEGIVM.

E Bituricensi Collegio missus est ad Niuernensem Ducem concionum causa Sacerdos, eodem nomine in Boiorum oppidum, cui Berissonio nomen est. ubi præter quotidianas conciones tradita sunt pueris Christianæ elementa doctrinæ, ingenti commode rei Catholicæ. nam cum hæresis pestilenta plerique incolæ laborarèt, tè pestina ei malo adbita est medicina. Sumæ iucunditatis spectaculū fuit, teneros videre puerulos obsidētes hæreticorū ministri, & facillimis quæstiunculis, quibus ille respōdere nō poterat, insectātes. Ac si umquam intellectū est, quanti



quanti sit, probe pueros instituere, tum demum est; cum puerorum gressus, patris præceptis imbutus, eundem spiritum, quem hauserat, referebat. Filium mulier hæretica cum peperisset, factus est repente puerorum concursus ad fores, ut infantem catholicis traduceret baptizandū. accurrerunt rei nouitate obstupefacti catholicī, tantum ardorem in pueris admirati: & partim horum rationibus, partim clamoribus puerorum coacta mater, filium catholicis ad baptismū dedit. eaq. postea non modo facile passa est puerum inter catholicos aggregari, sed in eūdem gregem ipsa quoque se contulit. Patrem nostrum quanti facerent vniuersi, declarauit tum eius incommoda valedictio, cum ad eum pharmaca curationesq. perferrerent; tum eius postrema digressio, cum abeuntē partim lacrimis, partim pedibus equisq. prosequerentur. Eius fama excitati ciues quidam Monlusciani (Oppidi id nomen est) flagitarunt ipsi quoque de Societate concionatorem, quem tamen ad eos per tumultum mitti non licuit. Pacationibus iam rebus in alias duas depravatas hæresi ciuitates totidem sunt missi de nostris: cum ijsq. communicata potestas ab Archiepiscopo (id quod ipse à Summo Pontifice iam impetraverat) recipiendi reconciliandi, qui redire vellent, hæreticos. Itaq. in eo patres illi iam toti sunt, ut ad Ecclesiam redeuntium consilia atque mentem diligenter explorent, doceantq. prout necessitas exigit, catholicam veritatem. cuius muneris labor quò grauior ac difficilior est, è spe rāmus vtiliorem: præsertim tantis humanæ inscitiae tenebris

tenebris. nam de rebus maxime tritis interrogati permulti, aut perridicule s̄epe respōdēt, aut turpiter obmutescunt. Sed quoniam contra hæreses sempiternum est bellum à Societate suscepsum, nouū quoddam sibi impositum onus, bibliothecas purgandi pri uatas ab hæreticorum voluminum fāce, non grauante suscepit. qua in re ita desudauit, vt semel atque iterum in area ingens excitatus sit ignis, ubi ea religionis probra, ac dedecora cremarentur. Gymnasiūm porro nostrū auditores frequentāt fere quingenti, in quibus seu doctrinā laudem, seu progressiōnem ad virtutem spēctes, sentias operam omnino non ludi. Ex hoc numero tres in Societatem dedere nomen, plures etiam in alios ordines ac familias. Liberalium vero disciplinarum studia atque ardorem tum philosophicā concertationes, tum parti testantur honores, speciosiq. tituli magistrorum.

N I V E R N I veniunt iam ad nos hæretici multi regio edicto pene compulsi, vt (quoniam statutum semel est, hæresim potius, quam regnum patriamq. deserere) per pœnitentiae sacramentum à peccatis censurisq. soluantur. Habitā est & eorum ratio, qui supremas pœnas legibus dabant. Vir nobilis & hæreticus cum ad supplicium raperetur, nec de animi salute magnopere laboraret, nostrorum cohortatione permotus, & diligere neglectum diu animum cœpit, & expiatiss confessione peccatis hæresim eiurauit. Coercebatur carcere mulier tum, cum fædis vexari visis, nocturnisq. imaginibus cœpta est.

V acci-



accipiebatur nonnumquam adeo misere, ut vitam videretur amittere. Agit cum muliere Sacerdos è nostris, absolutamq. rite à peccatis, aqua benedicta respergit, rosarioq. communit. ita partim eius aqua vi, partim B. semper Virginis beneficio affectata mulier est, ut monstra illa faceant, nec sibi amplius negotij quicquam exhibeant. Ad placandum in publico tumultu cælesti numen, rege in hereticos arma ferente, fecerunt nostri (id quod à ciuibus iam factum erat) ut varia in urbem supplicantū agmina conuenirent. res erat nō minus spectatu iucunda, quam ad permouendos animos opportuna. tunicati prodibant homines nonnumquam mille ac sexcenti, quos cibo ac potionē excipiebat Episcopus ac Dux uxoris. In his conuentibus reperti sunt etiam hæretici, qui quidem interdum ea religione ac ceremonia non minus, quam Catholicī ipsi permouebantur. Rustici paganiq. à multis passibus confluebant, & ut ad conditam horam adessent, nocturno itineri se se dabant. Pueri in eo cogendo agmine explicationē catechesis, ut à nostris acceperant, recolebant, disputationesq. de Christianæ religionis initijs ac rudimentis habebāt. Postea ab rniuerso supplicantium agmine pia rite carmina, toto itinere, modulatis nec intermissis vocibus canebantur. quod quidem tanto hominum plausu factum est, ut placuerit alijs ciuitatibus ad eamdem normam similes quoque pompas instruere. Curatum est in hac circuitione pagorum, ut multa tēpla vetustate pene consumpta reficerentur, & que vel hæreticorum euertisset improbitas, vel

vel parochorum sorderent incuria, tum rursus instaurarentur, tum ad nitorem & cultum exornarentur. Nam cum in quibusdam iam labentibus templis, imbris perius iniurijsq. cælestibus divina res fieret, ut ne satis quidem tuto sanctissimum Christi Domini corpus asseruaretur; in alijs autem fæces altæ, & columbarum simus omnia fædarent, non fuit difficile hominibus non omnis humanitatis expertibus persuadere, ut pecunia in commune collata, rationem aliquam templorum ducerent.

VIRDVENSE, ET CETERA
Collegia.

VIRDVNUS suum quisque munus tuetur egregie, atque ut domestica quæ eodem sunt loco, mittamus, non exigui de pagis allati sunt frustus. Erat in pago quodam gemina duorum fratribus in paterna domo familia, in eaq. ut solet, mutua ex emulatione discordie, quas quotidiana conuictia & maledicta fouebant. Citabatur identidem diabolus: nec longa interposita mora, seredæ seditionis artifex interuenit. gessit morem vocantibus cumulate, & familiam alteram magnis cladibus & damnis affecit. nocte una agnos perdidit vniuersos, & mox boves, anseres, gallinasq. mattauit; ouiumq. etiam crura confregit; domiq. miscuit & turbauit omnia, alterumq. è fratribus formidolosis imaginibus terruit. Huc quidam profectus è nostris, cum pro concione multitudinem docuisse, cur Deus

V 2 illa

illa permetteret, et quæ ad ea depellenda viderentur esse præsidia, fecit, ut illius familiae domestici, in quos ea erat illapsa pernicies, rite se à sceleribus expiarèt: statimq. diaboli debilitata vis est. Nō dissimile est, quod in alia villa dicitur accidisse; in qua cum repentina tæbe magnus armentorum numerus interiret, lateretq. causa tanti interitus, mis̄us eò Sacerdos est, qui mærorēm perturbatæ afflictæq. familiæ consolando leuaret. sed is pestilentiae originem, suspicatus frequentissimam fuisse in ore omnium appellatiōnem dæmonis, sedulo hortatur primo, vt ab ea consuetudine vsuq. recedant; deinde expiatos pænitentiæ sacramento complures, cereis cœlestis Agni signis formisq. communit. atque ita cladem omnem auertit.

Huic Collegio Nouitorum tecta iunguntur, quos semper nouis tyronibus Deus auget. In his Sacerdos receptus est Anglus, qui Anglicani pedorem carceris, equuleiq. ac reliquorum suppliciorum acerbitates expertus, elapsus ex eorum manibus, nihil habuit antiquius, quam vt ad præteritam tormentorū coronam, lentes quoque, sed diuturnas cœnobij cruces adiungeret. Multa de aliorum virtute admirabilia scribi possent, sed dum viuorum pudori consultimus, media incidamus oportet. Forfitan & horum, & ceterorum meritis dedit Deus, vt à gravi periculo & collegiū et ciuitatē eriperet. Nam cū in Gallia, Christianissimo rege, vt dixi, in hæreticos arma ferente, pleraque ciuitates ancipiti consilio aliæ aliæ spectarent; clandestino quorundam scelere constatū erat,

erat, ut aduocata in hanc urbem hæreticorum manu, catholicorum partes opprimerent. cui facinori cum diem Paschatis, atque adeo tempus ipsum concessionis, in quod ea suspicio videbatur non posse caderre, designassent; Deus tamen qui præcipua ope suam tuetur Ecclesiam, longe aliter vertit omnia. nā qui religionis hostes clam acciuerant, tum cum confitam rem putabant, facto in eos impetu ciuium, ij ipsi de ciuitate sunt pulsi. Noſtri interim Deo placando dabant operam, & pro communi Ecclesiæ ocio, quadraginta horarum supplicationem non ita multo ante decreuerant: ut mirum videri non debeat, si is à Deo consecutus est exitus, qui euenit. Adhibuit etiam noſtrōs is, qui nobis est in intimis, Cardinalis Vaudemontanus. de cuius in nos sinceræ benevolentia notis, nec instituti noſtri est dicere, nec facultatis. Is igitur ut pastoris officio rite fungatur, noſtris in primis vtitur: cumq. hoc anno Tullenſem synodus coegisset, eius statuta synodi apud suæ ditionis parochos explicari à noſtris voluit, ut quæ admodum ea exequenda sint, intelligerent. res cessit ex sententia, & magno reip. Christianæ commodo: totumq. triennium per eius diœcesim partim in patefaciendis enucleandisq. Christianæ disciplina myſterijs, partim in expoliendis erudiendisq. presbyteris consumptum est.

M V S S I P O N T A N I Collegij res in magna hoc anno varietate versatae sunt. nam & florentissimā auditoribus academiā pestilentiae vis medijs

V 3 exorta

exorta caloribus dissipauit, & nostros omnes, donec
sticos præter custodes, in alia loca migrare compul-
lit. Ex his nonnulli cum in vicinis regionibus con-
sedissent, non tamen ab omni munerum administra-
tione vacarunt: duobus enim locis tantisper instau-
ratae sunt scholæ, dum in eunte Nouembri, conuoca-
tis ferme omnibus in Virdunense Collegium, omniū
ordinum ac disciplinarym studia repetita sunt. Eni-
tuit in eo Collegio eximia nostrorum caritas, dum
non sine suo incommodo nouis fratribus, & sua sede
carentibus, de habitatione libentissime commoda-
runt. Nec vero minor in concionibus Sacerdotum,
quam in prælectionibus magistrorum, industria fuit.
Pater quidam Lotharingiæ Duce rogante, quoddam
profectus in oppidum, cuius pars altera tota consta-
bat hæreticis, sex circiter & viginti familias cum
Catholicorum cœtu coniunxit. Sacerdotes alij duo
cum puerorum gregem in pago quodam prope Me-
tas & litteris & Christianis præceptis imbuerent,
adiunxit se ad eos hæretici filius, patre non repugnā-
te, quod cum hæreticorum seniores, ut vocitant, re-
sciuisserint, minitati sunt patri, nisi filium à nostra di-
sciplina ac consuetudine reuocaret, fore ut cum suæ
Cæna communione priuarent. quos tamen ille non
modo non audiendos putauit, quod diceret filiū suū
optime à patribus erudiri; sed coemptis mox Metis
ædibus, eò se transtulit, ut ipse quoque Catholicorū
concionibus frequentandis ad saniora consilia redi-
ret. Qui domi manserant, ne eis quidem virtutis fa-
cultas ac materia defuit. cum enim pestilentia suspi-
cione

cione, vel etiā contagione, tanta vītūs inopia plebs infima laboraret, vt ei non minus à fame, quam à pestilentia timendum esset; nostri tenuissimi cuiusque casas obeundo, pane & vino quantum sat esset omnibus, subuenerunt. quæ res, mirum dictu, quantum Societati nostræ & amoris & existimationis tum apud eos, in quos collata benignitas est, tum apud eos, quò ipsius beneficentie fama peruenit, conciliauit. Sustulit lues illa de nostris, dum magis proximorum animis, quam suis ipsi corporibus cauent, omnino decem. sed quod maxime nos solatur in tanta fratrum iactura (si tamen eorum est dicenda iactura, quos iam in cælum sua merita vocauerunt) suum quisque diem pie dicitur obiisse. In his Sacerdos quidam statas ab Ecclesia precationes ad extremum usque spiritum recitauit. Alius rei domesticæ & minister cum pates fieri iussisset fenestram, et suspexisset in cælum, suam ipse animam creatori commendans placidissimo iustorum somno consopitus est. Interea Mussipontani ciues, dum nos crebris litteris & nuncys ad redeundum invitant, satis & dolore, quem ex discessu nostro ceperunt, & omni officiū genere, quo nos semper prosecuti sunt, quanti nos facerent, indicarunt.

AVGENSE COLLEGIVM.

AVGI in Societatem receptus est unus. alius ab heresi ad obedientiam traductus Ecclesia. Reliqua, quæ vel in urbe, vel in agro sunt gesta,

V 4 cum

cum ijs quæ de ceteris sunt dicta Collegijs ferme
consentunt. Illud tamen ad declarandum in agnis
cereis rite consecratis quanta vis insit, accidit admiri-
rabile, quod cū in fastigium stramineæ domus ignis
eßet injectus, & longe lateq. vagaretur, iacto re-
pente agno, ingenti ciuium gratulatione restinctus
est. Sed cum de singulis iam Collegijs, ea quæ vide-
bantur, excerpta sint; restat, ut nonnulla, quæ in va-
rijs gesta sunt itineribus, perstringamus.

RHEMIS per quadragesimam concionē Sa-
cerdos habuit, qui dū in tanta rerum perturbatio-
ne, ex Societatis instituto se gerit, utrique parti &
verbo & moribus satisfecit. Alius apud Santonas
in celebri vrbe Barlesio toto anno versatus, eō iam
rem Catholicam & diuinam adduxerat, ut & suum
templum ab hæreticis vendicarit, & in illud homi-
nes fere trecentos è catholicis neophytiq. coege-
rit. verum in bellico illo tumultu abire coactus, nō
prius inde discessit, quā & verberibus est acceptus,
& in vltimū discrimē caput obtulit. Tertius in eius
dem Metropolitana regionis vrbe, atque in æde ma-
xima menses aliquot concionatus, ut non mediocri-
ter hæreticos fregit, quibus omnia redundant; ita nō
parum in religione catholicos confirmavit. Destina-
tus & Diepam Normaniæ vrbeam Sacerdos est,
qua ut est via omnium munitissima, & mari con-
tinens Anglicano, totis hisce viginti annis innume-
rables pene hæreticos aluit, tanta insolentia, ut non
modo catholicorum conuictū societatemq. non tu-
lerint, sed diu etiā regia auctoritati nominiq. resti-
terint

terint. horū autem post ipsius regis edictum magna
vis migravit in Angliam, insignis pertinaciæ atque
dementiæ: qui patriæ cōmodis carere malint, quam
cum animi salute in Ecclesiæ potestatem venire. Cū
igitur concionator huc noster is, qui in ea aliquot
annis ante conciones habuerat, peruenisset; ita in suo
munere se tractauit, vt ciuium animos facile cepe-
rit, & ab impura secta complures abduxerit. Qui
quidem nō obscure fatebantur, quam præclare secū
ageretur, quos Deus conuocasset ad lucē: negabātq.
se vel impunitate proposita commissuros, vt perti-
naciā in tanto animorum discrimine tuerentur.
nec tam sibi ipsi qui manserant, gaudebant, quā eo-
rum vicem, qui solum verterant, querebantur. futu-
rum enim fuisse, vt si ad patris mansissent aduentū,
ij quoque multum de sua feritate atque obstinatione
remitterent. Profuit illis mirifice patris frugalitas
ac continentia, quod cum in ipsis erudiendis recon-
ciliandisq. tot vigilias laboresq. susciperet; nihil ta-
men ex ijs, quæ loco muneric deferebantur, admitte-
ret. Erant & adiumento res à Deo mirabiliter effe-
cta, qui cum res exigit, imbecillitatem humanæ mē-
tis miraculorum adminiculis adiuuat. Mulier recēs
catholica, cum vicinam feminam morbo periculosissi-
mo laborantem animaduerteret, suasit ei, quam-
uis ea quoque de secta eſset, vt ad sui curationem
aquæ benedictæ cyathum perpotaret. qua illa po-
tione corporis salutem adepta, dedit operam pater,
vt salutem quoque animi hæresi abiicienda conse-
queretur.

PRO-